

KULTURA

Musika barrokoa ostiralean Brigitarretan

Nazioarteko Itsaspeko Zinemako zikloa otsailaren 8tik aurrera izango da

Danok Kide elkarteak antolatutako bi ekintza izango dira hurrengo asteetan Lasarte-Orian. Batetik ostiralean, 'Duo L'Incontro' bikoteak Barroko garaian murgilduko du Ama Brigitarren kapera. Bestetik, otsailaren 8tik aurrera, Nazioarteko Itsaspeko Zinema Zikloko filmak ikusgai izango dira Manuel Lekuonan. Aurten herritar baten filma ikusi ahalko da zikloan, David Sanchez Carretero herritarrena, hain zuzen.

Ostiralean, Danok Kide elkarteak antolatzen dituen Musika Topaketan saio berria izango da. Berriro ere, musika barrokoaz gozatu ahalko da Ama Brigitarren komentuan egingo den emanaldian. Baina bikote berezia izango kontzertua eskainiko duena, 'Duo L'incontro'.

'L'Incontro' bikotea'

Itziar Lujanbio oboe joleak eta Francesca Romana harpa joleak osatzen dute bikotea.

Biek Musikeneko Goi Mailako ikasketak egiten ari zirela topo egin zuten Donostian.

Bakoitzak bere bidea egin du. Itziar Koloniara abiatu zen bere formakuntzarekin jarraitzera. Francescak, berriz, maila nazional eta internazionalen kontzertuak eman ditu.

Hiru urte igaro dira geroztik eta berriro elkartu dira ikasi duten guztia partekatu, aberastu eta elkarrekin errepertorio zabal bat lantzeko.

Euskal Herrian eta Frantzia eman dituzte lehenengo kontzertuak. Adibidez, Donostia Kulturak antolatutako, Donostiako Musika Sakratuaren Zikloan parte hartu dute.

Barroko musika

'Il salotto barocco' egitaraua eskainiko dute. Honetan Händel, Vivaldi edo Telemann egile ezagunen lanak eta doinu anonimoak eskainiko dituzte. Hala nola, Händelen 'Lascia ch'io pianga' edo Vivaldiren Lau Urtaoetako Neguko 'La pioggia' doina.

Barroko musika gustuko duten herritarrek hitzordua dute, hurrengo ostiralean,



Itziar Lujanbio oboe jolea eta Francesca Romana harpa joleak osatzen dute 'L'Incontro' bikotea.

Ama Brigitarren komentuan arratsaldeko 19:30etik aurrera.

Itsaspeko zinea

Bestalde, itsaspeko zinea gogoko duten herritarrek krispetak prestatzeko garaia dute. Lasarte-Oriako Udalaren laguntzaz, Danok Kide elkarteak Real Sociedad taldeko itsaspeko taldeekin batera antolatzen duen Itsaspeko Nazioarteko Zinema zikloa otsailaren 8an izango du lehen saioa.

Otsaileko hiru astelehenean, otsailaren 8, 15 eta 22an, Donostiako Itsaspeko Nazioarteko Zinema zikloa ikusgai izan ziren 9 film labur eta 3 film luze ikusi ahalko dira Manuel Lekuona kultur etxeko aretoan. Sarrera doakoa izango da eta saio guztiak 19:30ean hasiko dira.

Herritar baten lana

Nazioarteko, zein inguruko itsas hondoa eta fauna ezagutuko dituzte saioetara hurbiltzen diren herritarrek.

Lehen saioan, otsailaren 8an, sei film eskainiko dira eta horien artean, azpimarragarria da David Sanchez Carretero herritarren lana.

'Motivos para bucear en el Cantábrico' lana herritar honen 'Desde dentro' proiektuko erakuslea dugu. Musika eta irudien bidez, Hondarribitik Donostirako bidea egiten du Davidek sei minututan. Gure kostaldean urpekaritza egiten den txoko ezberdinak erakusten ditu bertan, baita hauetan aurkitu daitezkeen bizitza ere.

Honekin batera, 'Creemos en cero', 'Carmen', 'El arrecife de coral', 'Edless' eta 'El legado de las rias gallegas' osatuko dute eguneko emanaldia.



Otsailaren 15ean, 'El mero calimero', 'La isla azul', 'Ruta Moluscas' eta 'Cozumel' lanei esker, Estatuko edo nazioarteko irla ezberdinetako inguruak ezagutzeko aukera emango dute.

Azkenik, otsailaren 22an, 'Liquid Mirror' film laburra eta 'Arrecifes' lana ikusi ahalko dira.

Film gehienak gazteleraz edo hitzik gabeak dira. 'Ruta Molucas' filma, berriz, euskaraz eskainiko da.



Itsaspeko Nazioarteko Zinema Zikloaren egitarauko irudia. Ondean, David Sanchez Carretero herritarren 'Motivos para bucear en el Cantábrico' film laburraren irudi bat.

**Diruz laguntzen duten erakundeak****Babeslea**

LASARTE-ORIA
UDALA

Txintxarri ez du bere gain hartuko iritzi-artikuluetan edota irakurleen gutunetan adierazitzekoaren erantzukizunik.

Laguntzailea**Argitaratzailea:**

Ttakun Kultur Elkarte
Geltoki kalea 4
20160 Lasarte-Oria
943 366 858/943 371 448
G-20407557

Legezko gordailua:

SS513/93
ISSN: 1134-0053

Inprimategia

Zeroa Multimedia, S.A.

Aleak zenbakiko: 7.800

txintxarri**Erredakzioa:**

Nerea Eizagirre, Martín Vicioso,
Iñigo Gonzalez.

txintxarri@txintxarri.eus

Publizitatea: Arantxi Zulaika
publizitatea@ttakun.eus

Laguntzaileak:

Unai Muñoa, Gorka Lasa,
Ane Labaka, Mailu Arruti,
Asier Odriozola, Maider Segurola,
Gorka Alvarez, Jexux Artetxe,
Edu Galardi

Informatikoa:

Xabier Amadoz